



Broj: 09/2-2-16-8-8464-12/22  
Sarajevo, 28.04.2022. godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: KJN-16-8-8646-11/22 od 12.04.2022. godine, u postupku javne nabavke izbora najpovoljnijeg ponuđača za nabavku kancelarijskog materijala za potrebe MVP BiH, donosim

## **ODLUKU**

### **o izboru najpovoljnijeg ponuđača**

Ponuđač "ELKOM" d.o.o. Vitez sa ponudom broj: 23-1/22 proglašava se najpovoljnijim, te se imenovanom ponuđaču dodjeljuje Okvirni sporazum za nabavku kancelarijskog materijala za potrebe Ministarstva vanjskih poslova BiH.

Ova odluka objavit će se na web-stranici Ministarstva istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke, ugovorni organ će pozvati izabranog ponuđača radi zaključenja Okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

## **O b r a z l o ž e n j e**

Postupak javne nabavke pokrenut je Odlukom o pokretanju postupka broj: 09/216-8-8464-1/22 od 09.03.2022. godine, u kojoj je predviđeno da je procijenjena vrijednost javne nabavke za period od 24 mjeseca do 80.000,00 KM bez PDV-a.

Obavještenje o nabavci br: 253-1-1-8-3-5/22, objavljeno je na Portalu javnih nabavki dana 16.03.2022. godine, a sažetak obavještenja o nabavci objavljen je u Službenom glasniku BiH br: 14 od 18.03.2022. godine, na osnovu kojeg je proveden otvoreni postupak nabavke roba za potrebe Ministarstva vanjskih poslova BiH.

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da ponude ponuđača:

1. ELKOM d.o.o. Vitez;
2. ALFADIVIT d.o.o. Živinice;
3. PREIMAPROM d.o.o. Banjaluka;

zaključno sa rednim brojem 3 (tri),

ispunjavaju formalno-pravne, ekonomske i tehničke zahtjeve Ministarstva vanjskih poslova BiH, te da su prihvatljive i mogu biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Komisija za javne nabavke je u pojedinim dostavljenim ponudama uočila računске greške („Elkom“ d.o.o. i „Alfadivit d.o.o. Živinice“) pa je od navedenih ponuđača zatražila da u skladu sa odredbama člana 66. stav (1) Zakona o javnim nabavkama („Službeni glasnik BiH“ broj 39/14) i člana 17. stav (7) Uputstva za pripremu modela tenderske dokumentacije i ponuda („Službeni glasnik BiH“ broj 90/14 i 20/15) dostave pismenu potvrdu o prihvatanju navedenih korekcija, što su sva tri ponuđača i učinila.

Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva vanjskih poslova BiH, Komisija je pristupila vrednovanju prihvatljivih ponuda, te shodno utvrđenom kriteriju *"najniža cijena tehnički zadovoljavajuće ponude"*, svojim Zapisnikom o pregledu i ocjeni ponuda broj : KJN-16-8-8646-11/22 od 12.04.2022. godine, konstatovala tabelarni pregled-rang listu prihvatljivih ponuda ponuđača:

RED. BR.	PONUĐAČ	UKUPNA CIJENA U KM (sa PDV-om )
1.	ELKOM d.o.o. Vitez	94.782,81 KM
2.	ALFADIVIT d.o.o. Živinice	94.666,61 KM
3.	PRIMAPROM d.o.o. Banja Luka	102.572,17 KM

Komisija je konstatovala da su ponuđači, tokom e-aukcije koja je provedena dana 11.04.2022. godine, promijenili prvobitnu cijenu. S tim u vezi konačna rang lista ponuđača nakon provedene e-aukcije slijedi:

RED. BR.	PONUĐAČ	UKUPNA CIJENA U KM (bez PDV-om )	UKUPNA CIJENA U KM (sa PDV-om )
1.	ELKOM d.o.o. Vitez	73.338,00 KM	85.805,46 KM
2.	ALFADIVIT d.o.o. Živinice	73.419,00 KM	83.900,23 KM
3.	PRIMAPROM d.o.o. Banja Luka	102.198,44 KM	119.572,17 KM

shodno kojoj je prvoplasirana i najpovoljnija ponuda ponuđača: **"ELKOM" d.o.o. Vitez**, sa cijenom od **85.805,46 KM sa PDV-om, odnosno bez PDV-a 73.338,00 KM**, te da ista u ekonomskom i tehničkom smislu u potpunosti zadovoljava zahtjeve ugovornog organa. Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, data je preporuka da se donese Odluka o izboru najpovoljnijeg ponuđača kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi, najkasnije u

roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

**MINISTRICA**

dr Bisera Turković

**DOSTAVITI:**

1. Svim učesnicima u postupku javne nabavke;
2. Evidenciji a/a.



*Bisera Turković*

E:761